

Igls meis da mars ed avregl 2017 ò la suprastanza communal tracto tranter oter igls suandonts affars:

Lubientschas da biagier:

- Lubientscha da biagier ad Isabel ed Andreas Batänjer pertutgont en paravent da vèder tar igl plaz da seser tar l'abitaziun nr. 1 ainten tgesa da ples famiglias a Savognin (parc. nr. 4062, Veia Tgampi 6).
- Lubientscha da biagier alla Societad da construcziun "Veia Viols" pertutgont la construcziun d'ena tgesa da ples abitaziuns (8 ampremas abitaziuns) cun halla da parcadis a Savognin (parc. nr. 3277, Veia viols 10).
- Lubientscha da biagier agls frar Foglia pertutgont pompa da caleira aria-ava tar tgesa da ples abitaziuns a Salouf (parc. nr. 8165, Veia Principala 25).
- Lubientscha da biagier a Rita e Pius Burkhardt pertutgont renovaziun plaz da seser; eriger nov meir da sustign; nova balustrada tar lobgia; paravent da vèder; novas fanestras; construcziun lucarna sen igl tetg tar tgesa da vacanzas a Savognin (parc. nr. 3977, Veia Somareiva 10).
- Lubientscha da biagier ad Elisabeth e Wilfried Geissmann pertutgont angrondaneida dalla tgesa da vacanzas a Savognin (parc. nr. 3681, Veia d'Alp 26).
- Lubientscha da biagier a Sergio Kägi pertutgont plaz da seser cuvert a Tinizong (parc. nr. 69, Runal 3).
- Lubientscha da biagier an procedura BAB per bietgs ordvart la zona da biagier a Tona Netzer pertutgont platta da grascha e puschignera a Savognin (parc. nr. 3503, Castelas).
- Lubientscha da biagier an procedura BAB per bietgs ordvart la zona da biagier alla Salt Mobile SA pertutgont midada dall'antenna da func a Rona (parc. nr. 1070, Crap Gict).
- Lubientscha da biagier a Stefan Ruoss pertutgont annexa per sauna ve dalla tgesa da vacanzas a Savognin (parc. nr. 3692, Veia d'Alp 16).
- Lubientscha da biagier a Reto e Ladina Sonder pertutgont construcziun tgesa d'ena famiglia (amprema abitaziun) cun abitaziun integrada (sagonda abitaziun administrada) e garascha dopla a Cunter (parc. nr. 5202, Badogna).
- Lubientscha da biagier an procedura BAB per bietgs ordvart la zona da biagier ad Origen Festival Cultural pertutgont tavla da reclama temporara agl our dalla veia a Beiva (parc. nr. 11180, pass digl Gelgia).
- Lubientscha da biagier alla Center da Sanadad Savognin SA pertutgont midada da project an connex cun la construcziun da dus tgesas da ples abitaziuns per abitar cun service (ampremas abitaziuns) cun garascha sutterrana a Savognin (parc. nr. 3065, Crudela).
- Lubientscha da biagier ad Andreas, Sandro e Roman Janett pertutgont sanaziun ed isolaziun dalla fatscheda; nova antrada cuverta cun stgela; dus novs meirs da schurmetg tar tgesa da ples famiglias a Tinizong (parc. nr. 143, Runal 8).
- Lubientscha da biagier a Sabine e Luzi Carisch pertutgont spitschneir fanestras existentas ed installaziun da panels solars sen igl tetg tar tgesa d'abitar a Savognin (parc. nr. 4071, Tgaplottas 4b).
- Lubientscha da biagier ad Armando Thomann pertutgont angrondamaint dalla lobgia existenta sen igl sagond plang e construcziun d'en paravent da vèder tar tgesa da ples abitaziuns a Parsonz (parc. nr. 7159, Mezvei 4).
- Lubientscha da biagier an procedura BAB per bietgs ordvart la zona da biagier a Jakob Gross pertutgont biagier aint en cheminé cun tgamegn; andgrondamaint tualetta cun ena duscha; eriger ed angrondaneir fanestras; installaziun da seis panels solars sen igl tetg tar acla a Tinizong (parc. nr. 1625, Alp Surnegn).
- Lubientscha da biagier ad Emma Balzer-Giovanoli pertutgont igl biagier abitaziun ainten la clavadeira existenta (sagonda abitaziun ainten en edifezi caracteristic pigl maletg digl li) ; sbuada sosta existenta e reconstrucziun nova sosta per autos a Beiva (parc. nr. 11214, Julierstrasse 29).
- Lubientscha da biagier a Peter Münch pertutgont nova tgesa d'abitar (amprema abitaziun) cun garascha a Rona (parc. nr. 261, Las Funtangas).

- Lubientscha da biagier an procedura BAB per bietgs ordvart la zona da biagier a Geni Ballat pertutgont sbuada e reconstrucziun dalla hetta a Salouf (parc. nr. 8883, Sars).

Surdada da lavours:

- Surdo las lavours da planisaziun an connex cun igl project "bikepark Savognin" tranter Somtgant e Tigignas agl biro STW SA da Coira e l'incumbensa d'elaborar igl rapport digl ambiaint agl biro Hartmann & Monsch da Parpan.
- Surdo igl mandat per l'elaboraziun dalla structura turistica nova per la regiun da vacanzas Savognin Bivio Albula a Daniel Fischer & Partner da Niederwangen.
- Surdada dallas lavours sanitaras an connex cun la realisaziun dalla sagonda etappa pertutgont la sanaziun dalla veia cantunala tras Beiva alla interpresa Savoldelli Haustechnik dad Igis/Savognin.
- Surdo las suandontas lavouras an connex cun la sanaziun dalla veia Tect a Savognin:
 - Lavours sanitaras alla Caspar Haustechnik SA da Tinizong
 - Lavours da construcziun bassa alla Battaglia Bau SA da Savognin
 - Lavours da catram alla Mettler Prader SA da Coira/Cunter.

Ulteriours affars:

- Piglia cunaschientscha digls resultats positivs dall'evaluaziun dalla scola Surses.
- Sancziuno igl concept da parcar a Grava e Lecschi a Savognin e decida d'introdueir da nov er durant la staschung da stad ena taxa da parcadi da fr. 5.00/de pigls parcadis a Lecschi (per lung digl Schletg siva igl punt Barnagn), analog alla practica durant la staschung d'anviern.
- Decida da dar a tschains l'ustareia Taratsch a Riom agl Origen Festival Cultural a parteir digl 1. da zarcladour 2017.
- Delibero igl protocol dalla radunanza communal digls 10-04-2017 per mangs digl proxim cumegn.
- Decida d'organisar chest'onni la festa naziunala uffiziala digl cumegn sen igl pass digl Gelgia.

Tinizong, 31-05-2017

Suprastanza communal Surses